



Inatsisartunut ilaasortaq
Kelly Berthelsen, Inuit Ataqtigiit

**Kuannersuit pillugit § 37 naapertorlugu apeqquaqqaammut nr. 2017-234-
imut akissuteqaat**

Inatsisartut Suleriaasianni § 37 naapertorlugu, Kuannersuit pillugit apeqquaqqaat matuma kingulianiittut saqqummiuppatit. Akissuteqaatip matuma suliarineqarneranut atatillugu naalakkersuisoqarfinni suliassaqaarfinit attuumassuteqartunit ilanngussassanik piniartoqarpoq. Tassani pineqarput Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik kiisalu Aatsitassanik suliassaqaarfinnut Avatangiisinut Aqutsisoqarfik.

17-10-2017
Suliaq nr. 2017-23523

Postboks 930
3900 Nuuk
Tlf. (+299) 34 68 00
E-mail: mlsa@nanoq.gl
www.govmin.gl

**1. Kuannersuarni aatsitassarsiornissamut pilersaarut
Naalakkersuisunit akuerineqareerpa?**

Akissut:

Naamik, Naalakkersuisut Kuannersuarni suliassamut piiaanissamut akuersissummik tunniussinikuunngillat.

2. Ataani nassuiaammi nassuiarneqartut suli atuuppat?

"Naalakkersuisut 23. Oktober 2013: "Immikkoortoq 709-711-mut tunngatillugu atugassarititaasunut nalinginnaasunut september 2010-imeersunut tapiliusseq aamma sumiiffimmut Kalaallit Nunaata kujataani Kuannersuarni akuersissummumut 2010/02-mut tapiliusseq nr. 1 pillugit nassuiaat"-mi taamani Aatsitassanut Naalakkersuisuusumit atsiorneqarsimasumi ima allapput:

"302. Pisinnaatitsissummik pigisaqartoq pinngoqqaatinik qinngornermik ulorianartunik akulinnik piiaanissamut akuersissummik tunineqarnissamik qinnuteqarpat, takuuk immikkoortoq 301, Naalakkersuisut qinnuteqaat nammineerlutik aammalu arlaannik tunngaveqanngitsumik imaluunniit sumilluunniit tunngaveqanngitsumik itigartissinnaavaat. Qinnuteqaat ilaatigut politikikkut imaluunniit ingerlatsivimmi pinngoqqaatinik qinngornermik ulorianartunik akulinnik piiaanissamut akuersissummik tunniussisanninnissamik aalajangiineq tunngavigalugu itigartinneqarsinnaavoq. Qinnuteqaammik itigartitsineq pisussaaffeqarnermik akisussaaffeqarnermillu malitseqassanngilaq, ilanngullugit Namminersorlutik Oqartussanut, Naalakkersuisunut imaluunniit Aatsitassanut Ikummatissanullu Pisortaqaarfimmumut taarsiinissamik akisussaaffiliissanani".

Aamma:

"303. Pisinnaatitsissummik pigisaqartoq pinngoqqaatinik qinngornernik ulorianartunik akulinnik paaanissamat akuerissummik tunineqarnissamik qinnuteqarpat, tak. Immikkoortoq 301, Naalakkersuisut pinngoqqaatinik qinngornernik ulorianartunik akulinnik paaanissamat atugassarititaasut suulluunniit nammineerlutik aammalu killilersuutitaqanngitsumik aalajangersarsinnaavaat. Naalakkersuisut ilaatigut paaanermi ingerlatanut, isumannaallisaanermut peqqinnissamat, avatangiisinut, pisuussutunik atorluaanermut aamma inuiaqatigiinni piujuartussamik iluaqutaasumik sunniutaasussanut atugassarititaasussanik kiisalu pisinnaatitsissummik pigisaqartoq Kalaallit Nunaanni Namminersorlutik Oqartussanut akiliuteqassanersoq aalajangersaasinnaapput. Naalakkersuisut tassunga ilanngullugu nammineerlutik aamma arlaatigulluunniit killilersuutitaqanngitsumik ukiumoortumik akitsuummik sumiiffiup akuersissummi pineqartumut ilaasup angissusaa tunngavigalugu naatsorsugaasumik akiliuteqarnissamik (nunaminertamat akitsuut) atugassarititaasussanik, akitsuummik aatsitassat piiarneqartut ilaalu ilanngullugit tunngavigalugit naatsorsorneqartumik akiliuteqarnissamik (tunisassiornermut akitsuut) atugassarititaasussanik imaluunniit suliaqarnermit akuersissummi pineqartunut ilaasumit aningaasatigut pissarsiat ilaannik Kalaallit Nunaanni Namminersorlutik Oqartussanut qupp. 2 akiliuteqarnissamik (pissarsianit akitsuut) atugassarititaasussanik aalajangersaasinnaapput".

Akissut:

Inussiarnersumik § 37 naapertorlugu apeqquteqaammut nr. 115-imut 2016-imeersumut akissuteqaat innersuussutigaaara, tassani allassimavoq matuma siuliani allassimasut tassaasut ingerlatseqatigiiffimmut Greenland Minerals & Energy A/S-imut Kalaallit Nunaata kujataani Kuannersuarni sumiiffimmut kisermaassisussaatitaalluni aatsitassarsionnissamat akuersissummut nr. 2010/02-imut tapiliussami akuersissummut atugassarititaasut issuarneqarnerat. Tapiliussa 3. april 2012 atuutilerpoq aammalu sulit atuulluni.

Immikkoortut 709-711 aammalu Kalaallit Nunaata kujataani Kuannersuarni sumiiffimmut akuersissummut 2010/02-imut tapiliussa nr. 1 pillugit atugassarititaasunut nalinginnaasunut tapiliussa pillugu nassuiaat september 2010-imeersoq, allakkiami 23. oktober 2013-imeersumi allassimasoq, taamaalilluni sulit atuuppoq.

Inussiarnersumik inuulluaqqusillunga


Mute Bourup Egede